

Promer Minister Henny Eman:

"E exprecionnan di Sr. Oduber no ta contribui na crea confiansa"

Durante di e conferencia di prensa di MEP, e lider politico sr. Nelson Oduber a haci diferente declaracion cu no ta poni den e carta na Informador, pero cu ta ilustra e esfera cu ainda ta existi serca (parti) di MEP. E exprecionnan aki ta totalmente contrario na e exigencia cu mester tin mas confiansa entre e partidonan. Cu e lider di MEP mes a pone tanto accento riba dje. Sr. Henny Eman a reacciona riba e declaracionnan aki cu desaprobacion. Ela declara cu "e exprecionnan di sr. Oduber no ta contribui na crea e confiansa cu e mes ta bisa cu falta." E exprecionnan cu sr. Henny Eman tabata referi na dje ta declaracionnan cu ela yama "totalmente incorrecto" y "no berdad".

EDAD DI PENSION

Un di e declaracionnan di sr. Nel Oduber cu sr. Eman a yama totalmente incorrecto ta tocante di edad di pension. Sr. Eman: "Mi ta lamenta cu den e rueda di prensa sr. Oduber a bai negativo y a bisa cosnan cu no ta berdad. Esey no ta promove un ambiente di confiansa cu e mes ta bisa cu falta. Tin varios punto cu ela trese padilanti cu mi kier rectifica aworaki. Uno ta e asunto di edad di pension. Nunca a wordo tuma un desicion den e gobierno aki pa bisa edad di pension. Absolutamente cu no! Tin rapportnan cu ta scirbi cu e dia lo por yega cu mester dicidi sea di hisa e edad di pension of aumenta e prima, pasobra nos pueblo ta birando mas bieu. Entre otro pasobra e salud di hendenan ta bayendo dilanti. Kier meen cu e cantidad di hende cu edad mas haltu cu ta cobra pension, ta birando mas grandi y e momento por yega cu esnan hoben cu ta traha no ta suficiente pa carga e pension di e hende grandinan. E of mester hisa e premie di e pension of mester hisa e edad. Esey ta para den rapportnan pa hopi aña caba. Tambe den tempo di sr. Oduber. Pero nunca nos a tuma un desicion pa ningun di dos. No tin mester di tume awor tampoco pasobra ta cos cu lo por socede den futuro. Despues di aña



2000 e ta hunga y ora ainda gobierno por dicidi diferente opcion. Entre otro lo por dicidi di subsidia parti di e pension pa nos grandinan. Y sigur lo cuminsa cu e discucion y planificacion di esaki na tempo. Kier meen

cu ningun desicion a wordo tuma. Peseyta incorrecto loke sr. Oduber a trece dilanti. Mi ta compronde cu e tabata contra aumento di pension semper y esey a hasi e dolor politicamente, pero no ta corecto pa bisa cosnan cu no ta berdad. Y net nos di AVP cu a lucha tanto pa nos grandinan, cu a percura pa e redoblacion di pension, lo busca tur forma pa garantisar nos grandinan un pension sigur y mas haltu posibel."

GOBERNADOR

Un didos punto cu sr. Nelson Oduber a menciona cu ta totalmente incorrecto ta e nombramento di gobernador Koolman. Sr. Eman: "E otro punto ta asunto di nombramento di gobernador. Hulanda kier a nombra gobernador pa dos aña. Nos a bisa absolutamente cu no! Nos a propone pa 6 aña y nos tin unanimidad riba esey aki na Aruba. E asunto a bira un discucion politico y publico incorrecto. E ora nos a insisti, nos a para riba serca Hu-

landa cu ta re-nombra e actual gobernador pa tempo indifini, te ora cu tin un gobierno na Aruba, un gobierno firme cu lo bai dicidi ariba esaki definitivamente. Pesey mi mester bisa, cu no no ta acuerdo cu cosnan ta wordo tresi dilanti cu no ta berdad. E no ta crea e base di

confiansa cu tin mester pa traha hunto. Di banda di AVP a wordo hasi tur esfuerzo pa mustra e confiansa. Y nos lo sigui haci esey. Pero nos no ta bai accepta declaracionnan totalmente incorrecto y no berdad."

AWE TIN ELECCION NA ANTIYAS

ORANJESTAD(AAN) Awe cos lo bay ta cayente na hermana isla Curacao y tambe na otro islanan di Antiyas pasobra awe tin eleccion di staten di Antiyas.

Durante siman cu a pasa tabata tin hopi tension den politica specialmente na Curacao, caminda partido Frente Obrero a ser malamente ataca y riba esaki DIARIO lo bin cu mas informacion durante dianan venidero.

Na Aruba durante e siman aki pueblo por a sigui e debate politico entre partidonan po-

litico na Curacao via e canal CSS cu a pasa e programa politico di Tele Curacao y pa cual programa na Aruba tabata tin asina hopi interes, cu te hasta CSS mester a ripiti esaki.

Eleccion na Antiyas y sigur na Curacao por trece sorpresanan grandi cune y esaki a ser demostra den pasado caba na varios ocasion y ta pesey pa awe anochi lo ta interesante pa haya sa, ta cua partido na Antiyas y sigur Curacao a haya mas voto cu otro.

KABINET DI SACO!!



7/10/98
V. H.